

後知不足齋叢書
(七)

清・光緒常熟鮑氏刊本影印

後知不足齋叢書

(七)

清・鮑廷爵輯

華文書局股份有限公司印行

崇 總

齊 不 且 然
平 是 本 也
此 錄 全

文 目

光緒壬午年
常熟張
知不足齋
鑄版

崇文總目輯釋小引

崇文總目六十六卷宋翰林學士王堯臣等奉詔仿開元四部錄爲之諸儒皆有論議通志校讐畧嘗譏其每書之下據標類自見不必一一彊爲之說使人意怠朱錫鬯撰經義攷及集中總目跋遂斷爲紹興中因鄭漁仲之言刪去敘釋近人杭大宗跋頗辨之謂馬貴與王伯厚生後來滌百餘年而其書皆引證其說嘉定時蔡驥刻列女傳首簡亦引之則知此書宋時原未有闕後世傳鈔者因其繁重刪去伺按此論誠是然郡齋讀書志直齋書錄解題著錄已止一

卷陳伯玉所藏且題曰紹興改定則二說皆未得矣
攷紹興十二年權發遣盱眙軍向子固言乞下本省
以唐藝文志及崇文總目所闕之書注闕字于其下
付諸州軍照應搜訪見于續宋會要蓋因書中著說
有云闕某卷某篇或闕若干卷若干篇散見解題中
者播諸民間殊費尋閱因僅錄六十六卷之目或注
闕字以便按籍而求于是南宋時流傳遂有二本晁
子止陳伯玉所見卽今世傳本紹興中從向子固言
改定者也馬貴與王伯厚所見乃當時原本而佚其
後半帙者也錫鬯跋又謂總目敘釋歐陽子集尙具

大凡私欲鈔爲一本以復舊觀大宗亦云兩書之外餘
無所攷以今觀之歐陽集一百三卷具錄經史子三
部原叙文獻通攷多半採總目之文獨集部全未稱
引子部又加畧耳餘如玉海各類其述崇文目尤多
而歐陽全集南豐文集東觀餘論讀書志書錄解題
通志校讐藝文二畧孟子疏輿地碑目雲谷雜記困
學紀聞三家詩攷漢藝文志攷證宋史藝文志陝西
通志經義攷諸書暨宋元人叢書敘跋間一及之皆
足以資考訂亦不僅如朱杭二跋所云也侗家舊藏
四明范氏天一閣鈔本止載卷數時或標注撰人然

惟經部十有一二其餘過因書名相仿始加注以別之此外別無所見讀者病焉秦君照若偶見是書此爲秘笈欲受而付之梓人因偕伯兄旣勤仲兄以成金柜和姊倩凡五人區類搜採其引見古今載籍者輯而綴之猶錫鬯之志也讐校方半又屬友人于文淵閣中借鈔四庫館新定之本互勘異同總得原敘三十篇原釋九百八十條引證四百二十條或原釋無從攷見乃爲博稽史志補釋撰人其中標卷參差稱名錯雜以暨闕漏之字譌舛之文傳諸來茲易滋疑義則仿趙君錫攷異隨齋批注王伯厚攷證之

例間爲一二商榷語而陳君令華亦時與參校其間
所益益夥矣至原本書共三千四百四十五部三萬
六百六十九卷較諸今本多寡懸殊蓋七百餘年來
轉輾傳鈔未免脫佚故有羣書所引而今無其目者
侗又別爲補遺附著卷後凡闕半載而事竣命曰輯
釋釐卷以五經部爲伯兄輯史部爲仲兄輯子部下
爲叔和輯集部爲照若輯其子部之上則侗所輯也
博雅君子諒而教之時已未歲嘉慶四年二月嘉定
錢侗書

崇文總目原目錄

秦鑑按玉海引宋國史志總目六十六卷之外別有敘錄一卷天一閣鈔本所無蓋紹興中與敘釋同時刪去也今原敘已無從搜採而四部子目尙存卷中因依舊本次第補著目錄如左而以新編卷數附記于下俾覽者便焉

卷一

易類

卷二

書類

詩類

卷三

禮類

卷四

樂類

卷五

春秋類

卷六

孝經類

論語類

卷七

小學類上

卷八

小學類下

鑑按以上經部共八卷今編爲卷一

卷九

正史類

卷十

編年類

卷十一

實錄類

卷十二

雜史類上

卷十三

雜史類下

卷十四

僞史類

卷十五

職官類

卷十六

儀注類

卷十七

刑法類

卷十八

地理類

卷十九

氏族類

卷二十

歲時類

卷二十一

傳記類上

卷二十二

傳記類下

卷二十三

目錄類

鑑按以上史部共十五卷今編爲卷二

卷二十四

儒家類

卷二十五

道家類

卷二十六

法家類

名家類

墨家類

縱橫家類

雜家類

農家類

卷二十七

小說類上

卷二十八

小說類下

卷二十九

兵家類

卷三十

類書類上